



Masfjorden kommune
Teknisk, miljø og landbruk

TORGEIR ANDVIK

VIKANESVEGEN 66
5994 VIKANES

Dykkar referanse	Vår referanse	Sakshandsamar	Dato
	2026/1082 - 2	Ottar Myrtveit	03.06.2026

, delegert saksnummer

Melding om delegert vedtak - Søknad om felling av skadedyr - grågås -
gbnr 38/1, 38/4, 38/5, 38/10

Vi syner til søknad motteke den 03.06.2026 Dersom du er part i saka med klagerett vil du
også få vedlagt saksutgreiinga.

Administrativt vedtak.

Torgeir Andvik får løyve til felling av inntil 5 ungfugl av grågås på: Gnr 38 bnr 1, 4, 5 og 10 i
Masfjorden i perioden: **d.d – 24.06.2026** innanfor fylgjande avgrensingar:

1. Jakta må på førehand vera avklara med lensmann.
2. Felling av skadegjerande viltartar skal generelt følgje dei krav til ordinær jaktutøving som kjem fram av viltlova med tilhøyrande forskrifter. Det er ikkje nødvendig å løyse jegeravgift for å delta i ein skadefelling.
3. Jakta bør samordnast med postering samtidig på dei områda gåsa flyttar mellom.
4. Ein skal **berre skyta ungfugl** som ikkje er hekkande, og desse skal dokumenterast med foto. Vaksne fuglar har mørke flekkar på buken. Årsungar har ingen flekkar, medan gress født året før kan ha nokre få.
5. Mordyr skal ikkje avlivast, men dersom det skulle skje, må avkommet av omsyn til dyrevernet om mogleg avlivast.
6. Ein skyt fugl for fugl med 3 dagars opphald for størst mulig skremmeeffekt og berre trekkande grågås.
- 7 Jakta føregår på: gnr 38 bnr 1, 4, 5 og 10 i Masfjorden

8 Det skal være avtalt med dei andre bruksnr. om jakt på grågås.

Kommunen skal ha attendemelding/rapport over korleis skadefellinga har gått innan:

01.07.2026.

Heimel: Viltlova, skadefelingsforskrifta.

Saksutgreiing:

1. Bakgrunn

Det vert søkt om skadefelling av grågås datert: 02.06.2026. Stammen har vore lav og fråverande på Sør Kvingo lenge, jfr forvaltningsplanen for grågås 2025-2029. Men i år har det teke seg opp att, og på synfaringa med søkjar 02.06.2026 såg ein 9 grågås. Det er sett 18 grågås som held seg fast på nemnde eigedomar. Jakta er liten generelt på grågås. Det såg ut som stammen hadde stabilisert seg i kommunen, no ser ein at stammen har auka spesielt med flokkgjess. Nokre plassar er her ein del ungfugl i tillegg til hekkande par. Tidlegare begrensa gåsa seg til Risnesområdet, Areklett og litt på Sleire, men dette mønsteret har endra seg, og gåsa har no etablert seg på mange bruk i kommunen, også på sørsida som Kvamme, Andvik og Kvinge sør. Søkjar driv med sau på Vike i Alver, men paktar 4 bruk på Kvinge sør.

Kommunen synfarte same område i fjor, og ein fekk avslag på skadefelling då omfanget var lite.

Arnold Håland v/NNI (Som har laga forvaltningsplanen i Masfjorden) var på synfaring sist i 2025 samt eit par gangar før i samband med sjøfuglkartlegging i kommunen.

Kommunen har laga ein forvaltningsplan for grågås: 2025-- 2029 der Kvinge sør er med som eit prioritert område.

2. Fakta

I prosessen med ny forvaltningsplan for gås har ein fått mykje ny oppdatert kunnskap om grågåsa både i kommunen og generelt. Ved synfaringar med Arnold Håland v/NNI og elles ser me betre enn nokon gong korleis bestanden har utvikla seg. Det vart vedteke i TU (Teknisk Utval) at Massfjorden skal utarbeida ny gåseplan for 2025-2029. Denne er godkjent, og er på plass. Ein syner til denne, samt NNI rapport nr 707 for få ei forståing av korleis situasjonen er for grågåsbestanden spesielt i Masfjorden. Begge desse finn ein i vedlegga.

Søkjer har tidlegare forklart i telefon og ved synfaringar problemet meir detaljert. I

utgangspunktet vil kommunen her gi avslag på søknaden, men etter ei samla vurdering og synfaring vert her gitt løyve på inntil 5 grågås. Her er mange moment som tilseier at løyve

ikkje bør gjevast, men eit godt drive bruk med mange leigebruk av denne storleik som har fulgt godt opp råd heilt i tråd med anbefalingar, vil me gi nokre løyver på ungfugl. Dette for at gåsa helst ikkje skal etablera seg her, og før problemet vert for stort. Her skal rapporterast til kommunen, då me ynskjer mest mulig data i det vidare arbeidet. Torgeir Andvik opplyser at her er gås som beitar og skit ned slåtteareal spesielt nede ved sjøen. Kommunen ser at dette kan vera eit problem saman med landbruksdrift og syner då til vedtaket. I år har kommunen ikkje fått andre søknader om skadefelling, men dette vedtaket vil ikkje ha negativ verknad på grågåsstammen i kommunen. Her er mange forhold som regulerer stammen, men som forklart i pkt 2 så bør ein prøva regulerande tiltak som td gjerding om ein observerar hekkande gås med ungar. I myteperioden frå midten av juni og ein mnd fram vil ikkje gåsa kunna forsera eit gjerde. Gåsa er ikkje flygedyktig på denne tida. Forvaltningsplanen opnar for framskunda jaktstart om hausten med 2 veker og det er da ein må freisa å ta ut så mykje som ein meiner er forsvarleg. I følge forskrift om skadefelling, under generelle vilkår for skadefelling, punkt. 2, står det at "for en rekke skadeformer vil det være meir eller mindre praktisk umulig å gjennomføre effektive tiltak. I slike tilfeller må en akseptere at det er urealistisk å sette krav om at forebyggende tiltak er gjennomført".

Etter naturmangfaldslova § 9. (førevar-prinsippet) kan me ikkje sjå at her er fare for irreversibel skade. Vidare etter §§ 8, 10-12 vil ein med å følge vedtaket ha minimale konsekvensar for naturmangfaldet men store økonomiske konsekvensar for søkjar. Det er viktig at ein freistar å løysa problemet før heile første slåtten vert øydelagt av gåsa. Per dags dato er gåsa her, og ein veit med sikkerhet at den vil fortsetja å grisa til enga. Fyrste slåtten kan reddast viss gåsa etter tiltak held seg borte frå arealet dei næraste dagane og vekene.

3. Vurdering

Området vart synfart 02.06.2026 i samband med søknad om skadeløye på grågås. Vedlagt i søknad er foto over gås beitande ved sjøen. Torgeir Andvik vil ikkje få store tap knytt til si landbruksdrift ved å syte for at avlinga på gbnr. 38/1, 4, 5 og 10 ikkje vert skada eller øydelagt, men om ein ikkje freistar med tiltak kan ein ikkje pårekna at slikt skadeløye vert gjeve på ny. Dette er likevel ei vurdering år for år. No har ein basert seg på tidlegare erfaringar frå tilsvarande saker i kommunen som viser diverre at skadefelling er ein utveg for å freista å redusera skadomfanget. **Hekande fugl skal uansett ikkje skytast**, så løyva gjeld berre trekkande **ungfugl**. Kommunen skal ha rapport om effekt og skyt berre 1 fugl pr 3.dag for mest mogeleg skremmeeffekt jfr. Forskrift om skadefelling av gås. I forskrift av 1. september 1997 (Om felling av viltarter som gjer skade eller vesentlig reduserer andre viltarters reproduksjon), står det i punkt II, b at kommunen kan gi tillatelse til felling av kanadagås og grågås når disse gjer skade. For hvitkinngås er denne myndigheten hos Statsforvaltaren, i henhold til punkt II, c. Forskriften understreker at skaden skal ha oppstått inneværende sesong, og i et omfang som er av vesentlig økonomisk betydning for den skadelidte, eller som vil få tilsvarende betydning om skaden fortsetter. Statsforvaltaren viser

til eigne retningslinje som finst saman med forskriften på: www.lovdato.no. Her går de generelle vilkår for skadefelling fram, men også spesielle vurderingar som kan gjerast. Når det gjeld kanadagås som fremmed art har kommunen her større muligheter for skadefelling fordi forvaltningsmålet for arten er å redusere bestanden, og kommunen trenger dermed ikkje å ta hensyn til bestandsstørrelse når ein vurderer ei skadefelling.

4 Konklusjon

Sjå vedtak

Vedtaket er eit enkeltvedtak etter reglane om offentleg forvaltning (fvl). Vedtaket kan klagast på til kommunen, jf. fvl. §§ 28 – 36. Klagefristen er 3 veker frå melding om vedtak er motteke. Det er nok at klagen er sendt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar du ønsker.

Med helsing

Ottar Myrtveit

landbruksrettleiar

Dokumentet er elektronisk godkjent og har ikkje handskriven signatur

Bruk gjerne [eDialog](#) for å svare oss på dette brevet. Oppgi dette referansenummer 2026/1082 i klagen. Les meir om eDialog på [på vår heimeside](#).

